

daß feinig rapffer vnd vnuerzagt thut/ kan doch ein schlechter Effectus
 darauff folgen. Dañ im angriff bringen sie nit bald einen vmb/ vnd wann
 schon einer von der Lanzen todt zu boden gevent wirdt/ ist es gewiß ein son-
 ders Miracul: Die Pferdt aber können sie wol schädigen/ daß auff einan-
 ger stossen aber ist selten sehr gewaltig vnd streng / dadurch die wol vn-
 derichte geübten Reutter ihre Feustling nit los trucken/ biß sie auff ein-
 ander gestossen/ vnd schiessen ganz nahe also daß ihre schuß bey den gemech-
 ten/ oder ins Gesicht beschehen/ vnd abgehn mögen. Das ander Glid
 truckt zu gleich ab/ also daß das Geschwader der Kürisser/ von diesem er-
 sten Treffen/ halb in vnordnung gebracht/ vnd zertrent wirdt. Im sene-
 nun also/ daß gedachte Kürisser erstes Glid/ mit dem Spehr etwas scha-
 den möge/ vornehmlich den Pferden/ so können doch die Glider / welche
 demselbigen folgen/ nicht gleichmessig thun / sondern werden getrun-
 gen/ (auffß wenigst das ander vnd dritte Glid) ihre Lanzen von sich zu werf-
 fen/ vnd sich der Schwerdt oder Corttelassen zubeheiffen. Hierauff muß
 man zweyerley sachen mercken / welche die erfahrung wol confirmiert.
 Die erste ist/ daß die Reutter nicht schädlicher seyn/ als wañ man mit ih-
 nen vermischet/ dañ da ist alles lauter feur. Die ander ist/ wann zwen Ge-
 schwader dergestalt einander angreifen/ kan man kümmerlich den an-
 dern Feustling los brennen/ so weicht schon eine/ oder die ander Par they
 zu rücl. Vnd halt man einander nicht mehr also fuß/ wie die Römer ge-
 gen ander Nationen gethan / welche oftmahlen zwo stunden zu Felde
 blieben/ vnd vnuerwendt/ mänlich widder einander ohne zuruck weichen/
 kempfften. Vmb aller obgemelten vrsachen willen/ wert ich getrun-
 gen/ dafür gantzlich zuhalten vnd zubekennen/ daß ein Geschwader
 Reutter/ so fehr sie ihrer gebür genug thun wollen/
 daß jenig von Kürissern trennen vnd
 brechen möge.

Daß

